

**13 APRILIE**

**SLUJBA**

**SF.PREOT-MUCENIC**

**SERGHIE STENKO**

**SF.MUCENICI**

**CHIRIL PRIIMAK**

**SI PROHOR BUNCIUK**

**DE LA VASILIEVSK**

**MINEIUL-RU**

Св. мѣкѣ Кѵрілаъ.

Сщмѣк Сѣргіи Пресвѣтера.

Св. мѣкѣ Прохора.



# **СЛУЖБА**

## **Новомученикам**

### **Васильевским**

#### **НА ВЕЧЕРНИ**

На Господи воззвах поставим стихир 8.

Глас 5.

Приидите, мучениколюбцы вси, соберитесь правнуцы Владимировы, почтим новомучеников земли нашея; тии бо врагов безбожных шатания низложиша, и истину Христову возвеличиша.

Мучеников молитвами, Христе Боже, спаси души наша

Гряди, Николаеве, и веселися божественне, виждь, како ракою мучеников обогати тя Христос. Темже в веселии возопий ко Господу: мучеников молитвами, Многомилостиве, спаси души наша.

Предыдите, силы Ангельстии, со страхом  
воззрите на триех мучеников, яже пострадаша  
мужественне, и Троице предсташа в радовании;  
темже со дерзновением молятся о спасении душ  
наших

Ины стихиры, глас 2.

Всесвятая ваша память возсия миру, яко  
солнце, просвещающее души благочестно  
воспевающих вас, священномучениче Сергие со  
мученики Прохором и Кириллом. Темже  
молитесь, страстотерпцы блаженнии, подати  
грехов очищение зовущим: во святых Господь  
славно прославися.

Днесь празднственный день празднуют людие  
все, во обретении мощей сродников своих,  
страдальцев добрых и храма Божия ревнителей.  
Темже помолимся страстотерпцем  
достохвальным, дароватися крепости веры и  
нам, зовущим: во святых Господь славно  
прославися.

Василиевстии светильницы, Сергие досточудне  
со Прохором и Кириллом, сии трие лик

состависте и Троицу достодожно воспевше,  
страданьми ризы своя убелисте, ко Престолу  
Цареву въздосте, и тамо молитесь усердно о  
почитающих вас, ко Господу, со святых Своих  
дивному

Слава, глас 4.

Преодоле=вшии глубины= зло=бы после=днии,\*  
ве=рою во страда=ниях воспари=вшии, я=ко  
орли=, на Небе=сныя кру=ги:\* пресви=тере  
Се=ргие доблему=дренный,\* Про=хоре и  
Кири=лле богоблаже=ннии,\* повину=ющися  
свята=го Патриа=рха Ти=хона повеле=нию,\*  
ника=коже святы=ню церко=вную поруга=нию  
преда=сте.\* Те=мже и о нас помоли=тесь,\* яко да  
нескве=рен храм души= на=шея соблюде=м,\*\* и  
ве=ру оте=ческую сохрани=м непоро=чно.

И ныне, Богородичен, глас 4:

И=же тебе= ра=ди Богоотец проро=к Давид  
пе=сенно о Тебе= провозгласи=, вели=чия Тебе=  
сотво=ршему: предста= Цари=ца одесну=ю  
Тебе=. Тя= бо Матерь, хода=таицу живота=  
показа=, без отца= из Тебе= вочелове=читися

благоволи=вый Бог: да Сво=й па=ки обнови=т  
о=браз, истле=вший страстьми=, и заблу=ждшее  
горохи=щное обре=т овча=, на ра=мо восприи=м,  
ко Отцу= принесе=т, и Своему= хоте=нию, с  
небе=сными совокупи=т си=лами, и спасе=т,  
Богоро=дице, ми=р, Христо=с име=яй ве=лию и  
бога=тую милость.

Вход. Прокимен дне

Пророчества Исаина чтение (глава 43):

Тако глаголет Господь: вси языцы собращася  
вкупе, и соберутся князи от них. Кто возвестит  
сия в них или яже от начала, кто слышана  
сотворит вам; да приведут свидетели своя, и  
оправдятся и да услышат, и да рекут истину.  
Будите Ми свидетели, и Аз свидетель, глаголет  
Господь Бог, и Отрок егоже избрах, да познаете  
и веруете Ми, и разумеете, яко Аз есмь: прежде  
Мене не бысть ин Бог, и по Мне не будет. Аз  
есмь Бог, и несть разве Мене спасаяй. Аз  
возвестих, и спасох, уничижих, и не бе в вас  
чуждий. Вы Мне свидетели, и Аз Господь Бог, и

еще от начала Аз есмь: и несть от рук Моих избавляяй. Сотворю и кто отвратит то; сице глаголет Господь Бог, избавляяй вас Святыи Израилев.

Премудрости Соломоновы чтение (глава 3):

Праведных души в руке Божией, и не прикоснется их мука. Непщевани быша во очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я, и обрете их достойны Себе. Яко злато в горниле искуси их, и яко всеплодие жертвенно прият я. И во время посещения их возсияют: и яко искры по стеблию потекут: судят языком, и обладают людьми, и воцарится Господь в них во веки. Надеющиися Нань разумеют истину, и вернии в любви пребудут Ему: Яко благодать и милость в

преподобных Его, и посещение во избранных Его.

Премудрости Соломоновы чтение (глава 4):

Праведник аще постигнет скончатися, в покои будет. Старость бо честна не многолетна, ниже в числе лет исчитается. Седина же есть мудрость человеком, и возраст старости, житие нескверное, благоугоден Богови быв, возлюблен бысть, и живой посреде грешник преставлен бысть. Восхищен бысть, да не злоба изменит разума его или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався вмае, исполни лета долга: угодна бо бе Господеви душа его, сего ради потщася от среды лукавствия. Людие же видевшие, и не разумевше, ниже положше в помышлении таковое: яко благодать и милость в преподобных Его, и посещение во избранных Его.

На литии стихирьы самогласны, глас 1.

Днесь обретаем сокровище духовное, в земли нашей сокровенное, честныя и многоцелебныя мощи стражей небесных, земных же сродников наших. Темже, руками плещуще, заступников веры возвеличим, и чистыми устами Христа воспоем, даровавшаго нам дар многоценный. Возопиим же Творцу единомудренно: христианский рог вознеси, и на враги победу даруй, яко всесилен.

Се, яко трубы велегласнии, трие мученицы сзывают на пир духовный всех богопоклонников истинных; в душе бо и истине кланяемся Христу, и святых Его мучеников величаем песненно, и согласно вопием ко Господу: щедроты Твоя людем Твоим низпосли, мир наследию Твоему даруй, и душам нашим велию милость.

Слава и ныне, глас той же.

Священною иконою Твоею, Владычице, людие укрепляеми, упование на Тя возлагают; Ты бо, Пречистая, со всеми новыми мучениками земли

нашея, непрестанно молишия ко Господу о спасении душ наших. Темже Тя ублажаем.

На стиховне стихиры, глас 8.

Христова телесе удове бысте воистинну, страстотерпцы Василиевстии, темже о телесех небрегше, и скверны телесныя всяко отвратистеся, богоборцев препобедисте верою, того ради молитесь со дерзновением о спасении душ наших.

Стих: Воззваша праведнии, и Господь услыша их.

Служителие скинии небесныя явистеся, отцы треблаженнии, Сергие священнейший со Прохором и Кириллом терпеливнейшима, темже на небесех ныне предстоите, зеркалом разрешшымся, и пред Троицею Всесвятейшею молитесь о спасении душ наших.

Стих: Многи скорби праведным, и от всех их избавит я Господь.

Хранителие храма Божия бысте, всехвальнии, и о людех печальницы, темже злонравных

безбожников превозмогосте силу немощную, и козни их скоро разористе, храм же святой сохранше, молитесь о почитающих вас.

Слава, глас 6.

Христу плотию страдавшу волею последовали есте, Христа ради умросте, темже и со Христом вечно царствуете, и воскресение живота наследовавше, восприяли есте дерзновение молиться о сродницех ваших, и о чтущих память вашу светло.

И ныне, Богородичен, глас той же.

Богородице, мучеников украшение, постников утешение, иерархов умдрение, царей благолепие, пророков видение, праведников покровение и всем святым похвало, Христа моли с ними о рабех Твоих избавитися всякаго озлобления.

Тропарь, глас 1

Сро=дницы на=ши пресла=внии,\* кровьми=свои=ми зе=млю на=шу освяти=вшии,\* я=рость зве=рскую от безбо=жных прие=мшии,\* и небе=сное блаже=нство обре=тшии!\*

Блаже=ннии Се=ргие Про=хоре и Кири=лле,\*  
помоли=теся о почита=ющих вас,\* да изба=вит  
нас Госпо=дь от искуше=ний и бед,\*\* и спасе=т  
ду=ши на=ша, я=ко Милосе=рд.

## **НА УТРЕНИ**

По 1-ом стихословии седален, глас 4.

Церкве Православныя звезды явистеся,  
новомученицы славнии, разгоняющийи мглу  
учений еретических и находдений языческих.  
Житием же вашим и страданьми, и верностию  
даже до смерти явственне Христа проповедасте;  
сего ради, подвигами вашими укрепляемии,  
рцем: воистинну богомудрейшии и  
достославнейшии от народа нашего вы есте,  
блаженнии

Слава и ныне, Богородичен:

Под кров Твой, Пречистая Дево, прибегающих,  
мольбу приемлещи, не престай молящи  
Человеколюбца, спасти рабы Твоя.

По 2-ом стихословии, седален, гл. 4.

Обличившии ругателей и за святыню церковную радостно пострадавшии, отче Сергие со Прохором и Кириллом, Пасхи Небесныя сподобитися и нам Христа умолите.

Слава и ныне, Богородичен:

Благодарно воспевающих Тя от сердца, и просящих прилежно Твоя милости, Богородице Дево, предвари и избави от враг видимых и невидимых, и всякого прещения: Ты бо еси наше заступление.

Полиелей. Величание:

Величаем вас, страсотерпцы святии, Сергие, Прохоре и Кирилле, и чтем честная страдания ваша, яже за Христа претерпели есте.

Псалом избранный: Бог нам прибежище и сила:

По полиелеи, седален, глас 8.

Греховными ранами уязвленных люте, и страждущих в струпях страстных, исцели, Христе врачу, Тя бо молят мученицы от рода

нашего, в белых ризах предстоящи Престолу  
Твоему.

Слава и ныне, Богородичен:

Яко Державную Заступницу Пресвятую Деву  
чтим, явльшуюся в рове страданий  
новомучеников Василиевских и  
свидетельствовавшую о святости места,  
освященного их честною кровию, и молитвами и  
слезами указующую на тех телеса, яже ныне в  
месте злачне и прохладне пребывают, молящися  
о нас.

Степенна, 1-й антифон 4-го гласа, От юности  
моея

Прокимен, гл. 4: Проидоше сквозе огонь и воду,\*  
и извел ны еси в покой

Стих: Многи скорби праведным, и от всех их  
избавит я Господь.

Всякое дыхание:

Евангелие мучеником, Матф., зач. 36.

По 50-м псалме стихира, глас 6.

Приидите, христороубцы, возрадуемся в памяти святых мучеников! Приидите, воспоим добльственных страстотерпцев! Приидите, восхвалим честных страдальцев! Тии бо Церкви нашае украшение явистеся, и наставницы верным бысте, леть безбожных во уметы вменивше, и кровьми истину соблюдше, и посреде мучений Христа проповедавше, темже молятся со дерзновением о спасении душ наших.

Канон Новомученником Василиевским,  
егоже краестрочие:  
НОВОМУЧЕНИКОВ ЧТУ, ПОДВИГИ ИХ  
ВОСПЕВАЮ

Глас 5

Песнь 1.

Ирмос: Спасителю Богу, в мори люди немокрыми ногами наставльшему, и фараона со всевоинством потопльшему, Тому Единому поим, яко прославися.

Не отрини мене, Слове Божий, даждь ми слово, да воспою триех мучеников добльственных страдания, тии бо врагагов препобедивше, дерзновение молитися о нас обретоша; в сих бо Господь славно прославися.

О чудесе новаго и благолепнаго! како от недр земли сокровенныя тамо мощи происходят, и верных души облагоухают. В сих бо мертвенных телесех Победитель смерти Господь славно прославися

Велий полк восста на вас, истины поборницы, обаче победницы явистесе, всеславнии, не своими бо силами, ниже оружием воинским похваляющеся, но силою Христовою врагов низложиште, в вас бо Сам Господь яве прославися.

Богородичен:

Оставляеши никогдаже, Владычице, попечения о уделе Твоем, темже и ныне, со страстотерпцами Христа моли спастися нам, призывающим Тя.

### Песнь 3.

Ирмос: Силою креста Твоего Христе, утверди мое помышление, во еже пети и славити спасительное Твое Вознесение.

Мучеников страданьми сокрушаются силы вражия, и советы нечестивых разоряются вскоре, и яко не бывшии козни вменяются, воздвигнутыя противу рабов Христовых.

Учеником Твоим рекл еси, Христе, идеже Аз, ту и слуга Мой будет; темже служителие Твои усерднейшии с Тобою ныне соводворяются

Человеком невозможная, Богови возможна суть вся, темже и мученицы Твои, Господи, во страдании своем пребыша якоже адаманты силою Твоею, на Тя бо упование возложиша все.

Богородичен:

Емшым вас беззаконным, мучителей никакоже убоястесь, славнии, Богородица бо вам бысть поборница и Покровительница, темже и победы венцы приясте.

Седален, глас 4.

Воины Христовы доблии, подвизавшеся крепце, лукаваго врага до конца потопивше кровными струями, во главу ударяеми и мечами ссекаеми, сланною водою напаяеми, и в инья страдания вметаеми, венценосцы явистеся: темже почитаем вас, и верою славим.

Слава и ныне, Богородичен:

Безневестная Чистая Богородице Дево, Едина верных Предстательнице и Покрове, бед и скорбей, и лютых обстояний всех избави, на Тя упование, Отроковице имущих, и души наша спаси Божественными молитвами Твоими.

Песнь 4.

Ирмос: Услышах слух силы Креста, яко рай отверзеся им, и возопих: слава силе Твоей, Господи.

Никакоже убоявшеся мучений, силою креста на враги крепцы бысте, мученицы, темже и победы венцы уллучивше, под сению креста покоитеся

Изыдоша мученицы на мучения, якоже в сад  
красный, и страдания нивчтоже вменивше,  
аки в месте прохладне упокоистеся, и к Небесем  
от земных восход совершисте

Кратких мучений не убоявшеся, тричисленный  
лик славных страдальцев, крестом вооружен, на  
безбожные воста, и тех победи силою Христа,  
смерть и ада победившаго.

Богородичен:

Отверзшаго нам Едем родила еси, Дево, яко  
древо жизни посреде рая сладкаго зрим Тя, и от  
Плода чрева Твоего вкушаем плоти, и жизнь  
вечную наследствуем.

### Песнь 5.

Ирмос: Утреннююще вопием Ти, Господи, спаси  
ны: Ты бо еси Бог наш, разве бо Тебе иного не  
знаем.

Валтасар новый прииде ко храму, сосуды  
священныя сквернити хотяй, обаче трие  
мученицы яко Даниила устами, безбожных

обличиша, святыню же церковную на поругание  
не предаша, славнии

Честнаго храма святыни охранителие явистесе,  
Сергие, Прохоре и Кирилле, и чистоты веры  
блюстителие, и всех верных наставницы,  
богоблаженнии и мужемудреннии.

Трие мученицы идолом служити не восхотевше,  
Троице же Святей вседушевно поклонишася,  
глаголюще: чтим Единого Бога, иного же разве  
Того не знаем

Богородичен:

Умоли Сына Твоего, Всенепорочная Дево, о  
воспевающих мучеников подвиги; Ты бо еси  
похвала мучеников, и страдальцев укрепление, и  
всех христиан прибежище.

### Песнь 6.

Ирмос: Обыде мя бездна, гроб мне кит бысть, аз  
же возопих к Тебе, Человеколюбцу, и спасе мя  
десница Твоя, Господи.

Повержена мя во глубину греха, изведите молитвами вашими, мученицы Василиевстии, к свету покаяния, яко да и аз воззову, спасаемый: слава Богу, всем человеком хотящему спастися.

От лет древних и доньне мученицы похвала церковная суть, и украшение храмов мощи их честныя, имже покланяющесе и православно чтуще, Бога, Дивнаго во святых Своих величаем.

Дивно и славно есть воинство мучеников; от всякаго рода и на всяцем месте входят в не, оболкшесе в броня правды, и меч приимше Слова Божия. Темже и весь Василиевская днесь радуется, имущи мучеников Сергия, Прохора и Кирилла, яко украшение многоценное, и знамение милости Божия.

Богородичен:

Воистинну Богородицу Тя исповедуем, спасеннии Сыном Твоим, Пречистая Дево, и с мученическими лики Тя светло восхваляем.

## Кондак, глас 3

Облече=нии в багряни=цу поруга=ния,\* в  
бе=лых ри=зах предста=сте Престо=лу  
Влады=чню,\* уго=дницы и дру=зи Христо=ви,\*  
новому=ченицы Се=ргие, Про=хоре и Кири=лле.\*  
Не забу=дите и нас во сла=ве ва=шей,\*  
моли=теся со дерзнове=нием ко Го=споду,\* да  
изба=вит нас от се=тей вра=жиих,\*\* ва=шим бо  
заступле=нием и хода=тайством обрета=ем  
ми=лость в день су=дный.

Икос:

Воскресшаго из мертвых Христа Бога  
вернии служителие, священне Сергие,  
терпеливодушне Прохоре и многострадальне  
Кирилле! Похваляюще ваши подвиги о Господе,  
умильно вопием вам, всечуднии: Радуйтесь, на  
земли пострадавший; радуйтесь, на небеси  
упокоившийся. Радуйтесь, путевожди ко Христу  
известнии; радуйтесь, наставницы жития  
непрелестнии. Радуйтесь, мерзостей  
отвергшийся; радуйтесь, Господеви  
прилепившийся. Радуйтесь, совершенное Богу

заколение; радуйтесь, врагов побеждение.  
Радуйтесь, в подвиге едином славнии;  
радуйтесь, во славе небесней равнии. Радуйтесь,  
страны нашае покровителие; радуйтесь, веси  
вашея устроителие. Радуйтесь, новии мученицы  
Василиевстии, вашим бо ходатайством обретаем  
милость в день судный.

### Песнь 7.

Ирмос: В печи огненной песнословцы спасый  
отроки, благословен Бог отец наших.

Иже во всем мире мучеников насадивый, яко  
древеса благоплодная, и в нашем вертограде  
триех сих укорени, яко да плод красный  
принесут во спасение душ наших.

Господь и Бог всех вас укрепи, Сергие, Прохоре  
и Кирилле, темже и сильни явистесь противу  
козней диавольских, и дерзновение имате  
молитися о спасении душ наших.

Изведый вас от печи искушений, якоже древле  
триех отроков, явися вам Господь, укрепляяй  
вас, и пети настави: благословен Бог отец наших

Богородичен:

Исаия Тя прорече древле, Дево, яко родиши нам Сына, Небесная с земными соединившаго и людей спасшаго; сего проречения сбытие зряще, верно Тя почитаем Богородицу истинную.

### Песнь 8.

Ирмос: Из Отца прежде век рожденного Сына и Бога, и в последняя лета воплощенного от Девы Матере, священницы пойте, людие превозносите во вся веки.

Храма украшение рака мощей ваших честных явися, из неяже истекает обильная благодать, юже почерпающей Подвигоположника Христа превозносят во вся веки.

Василиевская весь ничимже есть меньша иных градов и весей, имать бо красное богатство, мощи честныя святых мучеников; ихже лобызающе, Небеснаго Бога превозносим во веки.

От печи спасый трие отроки иногда, ныне  
триех мучеников прослави Господь, и мощи их  
честныя яви, да прославим Христа во вся веки  
Богородичен:

Слава и похвало мучеников Ты еси, Пречистая  
Дево, темже, мучеников почитающе, Тя верно  
ублажаем, Всехвальная.

### Песнь 9.

Ирмос: Тя паче ума и словесе Матерь Божию, в  
лето безлетнаго неизреченно рождшую, вернии  
единомудренно величаем.

Православно славяще мучеников, и память их  
торжествующе, превозносим Христа Господа,  
мучеников Подвигоположника и Церкви Главу.  
Имже и живем, и движемся, и есмы, темже Того  
единомудренно величаем.

Елицы во Христа крестистесь, во Христа  
облекостесь, Павел богоглаголивый вопиет; сего  
ради и Сергей мужественный со Прохором  
терпеливнейшим и Кириллом крепчайшим, во  
Христа оболкшесь, врагов гордыню низложисте.

Вознесох Господь избранных от рода нашего, и на свещнице постави висоце, и огнем мучений явственно просвети сих триех, Сергия, Прохора и Кирилла, тии бо молятся за нас, воспевающих честная страдания их, и Христа превозносящих во вся веки.

Агнцы закланнии от беззаконных, нескверное заклание телеса своя Богу принесосте, души же ваши несквернии яко приятное благоухание, темже и прият вас Господь во обители Небесныя.

Богородичен:

Юница нескверная и Мати Дево, с мучениками умоли о нас Сына Твоего и Бога нашего, да спасет души наша.

Светилен.

Взяшася страстотерпцы во световидная селения райская, в ризых, кровьюми убеленных, и молятся со дерзновением о всех, верую чтущих святую память их.

Богородичен: Державным Твоим покровом, Чистая, нас рабов Твоих сохраняй всегда от

навет вражиих неврежденных: Тя бо едину  
стяжахом прибежище в напастех.

На Хвалитех стихиры, глас 8.

Дал еси знамение земли нашей, Спасе, мощи  
честная угодников Твоих, Сергия Прохора и  
Кирилла, теми бо храм украшен, небеси подобен  
бысть, и созывает всех мучениколюбцев, яко да  
прославят днесь праздних сродников наших.

Жертву хваления присно Господеви принося,  
священномучениче Сергие, в конец самага себе  
в жертву живу и святу, благоугодну и  
совершенну представил еси, с сострадальцы  
твоими Прохором и Кириллом, темже ти вопием:  
благоприятны сотвори молитвы наша о  
непоколебимем стоянии Церкви нашея.

Предстателие Церкви нашея воистинну  
явистеся, Сергие, Прохоре и Кирилле  
прехвальнии, на небеси лице Господне выну  
зрящии, и отземных никогоже оставляющии  
молитвами вашими. Темже и почитаем вас,

сродников святых и молитвенников о душах наших.

Мученицы предивнии, и ходатаи крепцыи явистесь вы, во бранех пособницы, храма охранителие, веры поборницы и о людех молитвенницы изряднии; того бо ради достождождно вас ублаждаем

Слава, глас 8.

О, преславнаго чудесе! Яко крины посреде терния, во страданиях за Христа процвели есте, мученицы непобедимии. И ныне, в селениях райских пребывающии, неувядаемо благоухаете молитвами вашими всем, верою и любовью вас почитающим.

И ныне, глас тойже, творение Афанасия песнописца:

О, преславнаго чудесе! Небесе и земли Царица, от святых сродников наших умоляемая, доныне землю нашу покрывает и лика Своего изображении милостивно обогащает. О Владычице Державная! Не престани и на будущее время во утверждение на Руси

Православия милости и чудеса изливати до века.  
Аминь.